

Radyo an Norvys

(<http://www.dasunys.net/podcast.htm>)

Titel: Nowodhow an seythur (17/10/07)

Auctour: Matthew Clarke

Dydh: 10 Hedra 2007

Pesyans: 3:26

Matthew Clarke ov... hag ottomma nowodhow an seythur.

Desedhek an Taves re ros breus war studh a Gernewek.

Tri esel a dhellos an profyans dhe geskusulyans synsys dy' Sul an peswardhekves dhe Drenmogh.

An desedhek a lever bos edhomm dhyn a wul form nowydh a Gernewek selys war Gernewek Dasunys hag ynter Kernewek Kemmyn ha Kernewek Skwir.

I a gynnigas bos tybyans da selya kessedhek may hallo bos an lytherennans akordys.

Nyns yw ervirys hwath piw a vydha an eseli.

Mars eus kudynn yntredha... res via mos dhe arbitrator skoedhyes gans dew skoler P-Keltek.

Ni a wovynnus orth tus dhe Drenmogh aga breus war an profyans...

[CLIP]

Delow brons a byskador re beu settyas yn Lulynn yn kov a bub pyskador kellys y'n mor.

Yma deg pyskador ha peswar ugens kellys dres an tri ugens blydhen yw passyes.

An delow veu angudhys gans an Bennseviges Ryal ha hi ow kul tro a Gernow.

Yth esa orth an solempnyta teyluyow an dre neb re gollas eseli.

Herwydh an Dessedhek Yeghes, gonisyow Klavji Treliks yw gwann.

Hemm a wra y worra orth goeles an rol a glavjiow yn Breten eur Soth West.

Rewloryon an klavji a lever bos an studh ow tos ha bos gwell.

Morhogh re beu kevys yn porth Kernewek gans y lost treghys 'mes gans kollell.

Trest Bywnans Gwyls Kernow a gavas an korf an seythun yw passyes yn Porthia.

Dell grysons... treghys o gans pyskador wosa an morhogh dhe veudhi yn y roes.

An Kowethas Pasti Kernow West re beu gwerthys dhe gowethas ekwyti priveyth.

Gresham re spenas a-dro dhe dhew-ugens milvil peuns warnodho.

Selys veu nans yw naw blyden yn Porthleven gans Ken Cocking ha mebyon.

Yma y'n eur ma peswar gwerthji warn ugens a-hys Breten Veur... gans etek kiosk yn gorsavow hyns-horn.

Gresham a lever bos hwans a witha an bennsoedhva yn Porthleven hag igeri hanter-kans gwerthji moy.

Rugbi lemmyn...

An Para Oll-Du re goedhas dhe woes an bord Kenedhlek Onan wosa kelli dewdhek-poynt-warn-ugens dhe eth, erbynny an Pertemps Bees.

Nyns o pennseythun dha rag Rysrudh ynwedh.

An para rudh a gollas erbynny Waterloo, pymp-poynt-warn-ugens dhe nawnsek.

Pennseythun well o ha'n Vorladron ow kwari yn-mes a Gernow erbynny Esher.

I a waynyas peswar-poynt-warn-ugens dhe nawnsek.

Ha henn yw diwedh agan nowodhow an seythun ma.